



## NAMANGAN VILOYATI MINGBULOQ TUMANI HOKIMINING QARORI

2025-yil 22-fevral

87-6-81-Q/25

Mingbuloq tumani hokimligi

**O‘zbekiston Respublikasi Prezidentining “Buyuk shoir va mutafakkir Mir Alisher Navoiy ijodiy merosini yurtimiz va jahon miqyosida keng targ‘ib qilish hamda Navoiy viloyatida “Alisher Navoiy yili”ni yuqori darajada o‘tkazish chora-tadbirlari to‘g‘risida” 2025-yil 7-fevraldagi PQ–43-son qarori ijrosi haqida Namangan viloyati hokimining 2025-yil 17-fevraldagi 76-6-0-Q/25-sonli qarori to‘g‘risida**

O‘zbekiston Respublikasi Prezidentining “Buyuk shoir va mutafakkir Mir Alisher Navoiy ijodiy merosini yurtimiz va jahon miqyosida keng targ‘ib qilish hamda Navoiy viloyatida “Alisher Navoiy yili”ni yuqori darajada o‘tkazish chora-tadbirlari to‘g‘risida” 2025-yil 7-fevraldagi PQ–43-son qarori ijrosi haqida Namangan viloyati hokimining 2025-yil 17-fevraldagi 76-6-0-Q/25-sonli qarori ijrosini ta‘minlash maqsadida, “Mahalliy davlat hokimiyati to‘g‘risida”gi O‘zbekiston Respublikasi Qonunining 6- va 21<sup>1</sup>-moddalariga asosan,

### **QAROR QILAMAN:**

1. O‘zbekiston Respublikasi Prezidentining “Buyuk shoir va mutafakkir Mir Alisher Navoiy ijodiy merosini yurtimiz va jahon miqyosida keng targ‘ib qilish hamda Navoiy viloyatida “Alisher Navoiy yili”ni yuqori darajada o‘tkazish chora-tadbirlari to‘g‘risida” 2025-yil 7-fevraldagi PQ–43-son qarori ijrosi haqida Namangan viloyati hokimining 2025-yil 17-fevraldagi 76-6-0-Q/25-sonli qarori rahbarlik va amalda ijrosini ta‘minlash uchun qabul qilinsin.

2. O‘zbekiston Respublikasi Prezidentining PQ–43-son qarori bilan: Madaniyat vazirligi, Oliy ta‘lim, fan va innovatsiyalar vazirligi, Yozuvchilar uyushmasi, Respublika Ma‘naviyat va ma‘rifat markazi, Alisher Navoiy nomidagi xalqaro jamoat fondi, Navoiy viloyati hokimligi hamda keng jamoatchilikning Alisher Navoiy tavalludining 584 yilligi munosabati bilan Navoiy viloyatida 2025-yilni “Alisher Navoiy yili” deb nomlash to‘g‘risidagi taklifi ma‘qullanganligi;

Alisher Navoiy ijodiy merosini chuqur o‘rganish va keng targ‘ib qilish hamda Navoiy viloyatida “Alisher Navoiy yili”ni yuqori darajada o‘tkazish bo‘yicha respublika komissiyasi (keyingi o‘rinlarda – Respublika komissiyasi)ning tarkibi 1- ilovaga muvofiq tasdiqlanganligi; quyidagilar Respublika komissiyasining asosiy vazifalari etib belgilanganligi;

Alisher Navoiy merosini o‘rganish ishlarini yanada yuksak bosqichga ko‘tarish maqsadida yurtimiz va chet ellarda tizimli asosda ilmiy izlanishlar olib borish va ularning natijalarini e‘lon qilish, ushbu mavzuda yangi ilmiy, badiiy va ommabop asarlar yaratish, xorijdagi navoiyshunos olim hamda ijodkorlarning asarlarini o‘zbek tilida nashr etish choralarini ko‘rishi;

Navoiy siymosi tasvirlangan, uning shaxsi, ilmiy-ma‘rifiy merosi, davlat arbobi sifatidagi faoliyatiga bag‘ishlangan ko‘rgazmali axborot vositalarini tayyorlash, media mahsulotlar va

audiovizual asarlar yaratish, ularni mahalliy va xorijiy ommaviy axborot vositalarida keng yoritish hamda ijtimoiy tarmoqlarga joylashtirishni ta'minlashi;

O'zbekiston Respublikasining chet davlatlardagi elchixonalari, o'zbek milliy madaniy markazlari, vatandoshlar jamiyatlarida Alisher Navoiyning hayoti va faoliyati, insonparvarlik g'oyalarini keng o'rganish va targ'ib qilish maqsadida ilmiy anjumanlar hamda davra suhbatlari tashkil etishi;

mazkur jarayonda vazirlik va idoralar, ilmiy va ijodiy, ma'rifiy muassasalar o'rtasida samarali hamkorlikni ta'minlashi; ushbu qarorda nazarda tutilgan chora-tadbirlarning o'z vaqtida va sifatli bajarilishini ta'minlash, chora-tadbirlarni moliyalashtirish bilan bog'liq xarajatlarni Davlat byudjetidan ajratilgan mablag'lar doirasida, ijrochilarning byudjetdan tashqari mablag'lari, xalqaro grantlar hamda qonunchilikda taqiqlanmagan boshqa manbalar hisobidan amalga oshirilishini tashkil etish, mablag'larning taqsimlanishi va sarflanishini nazorat qilishi;

Alisher Navoiyning benazir ijodiy merosini keng ommalashtirish hamda Navoiy viloyatida "Alisher Navoiy yili"ni yuqori darajada o'tkazish bo'yicha chora-tadbirlar dasturi (keyingi o'rinlarda – Dastur) 2-ildavaga muvofiq tasdiqlanganligi;

Respublika komissiyasi Dasturda nazarda tutilgan chora-tadbirlar o'z vaqtida samarali amalga oshirilishini tashkil etsin, bu borada idoralararo hamkorlikni ta'minlashi;

Vazirlar Mahkamasining Davlat tilini rivojlantirish departamenti Respublika komissiyasining ishchi organi etib belgilanganligi; Navoiy viloyatida 2025-yil "Alisher Navoiy yili" deb nomlangani munosabati bilan Navoiy viloyati hokimligi;

Alisher Navoiy nomidagi xalqaro jamoat fondi, Oliy ta'lim, fan va innovatsiyalar vazirligi, Yozuvchilar uyushmasi bilan birgalikda 2025-yil 8-9-fevral kunlari buyuk bobomiz tavalludining 584 yilligi munosabati bilan mahalliy va xorijiy olimlar, ijodkor ziyolilar, keng jamoatchilik ishtirokida "Alisher Navoiy va Sharq Renessansi" an'anaviy xalqaro simpoziumi va navoiyxonlik tadbirlarini yuqori saviyada o'tkazish choralarini ko'rishi;

"Yashil makon" umummilliy loyihasi doirasida Navoiy viloyatining barcha shahar va tumanlarida Alisher Navoiy hayoti va ijodiy faoliyati bilan bog'liq holda so'lim bog' va xiyobonlar, yashil hududlar tashkil etishi; Badiiy akademiya, Fanlar akademiyasi, Yozuvchilar uyushmasi, Madaniy meros agentligi bilan birgalikda Navoiy shahrida barpo etilayotgan "Yangi O'zbekiston" bog'ida Alisher Navoiyning haykali va "Xamsa" dostonlari mavzusidagi ramziy darvozalarni o'rnatish hamda memorial muzey tashkil etish choralarini ko'rishi;

Oliy ta'lim, fan va innovatsiyalar vazirligi, Maktabgacha va maktab ta'limi vazirligi, Yozuvchilar uyushmasi, Fanlar akademiyasi bilan birgalikda har yili alohida reja asosida Alisher Navoiy ijodiga bag'ishlab ijodiy kechalar, tanlovlar, kitoblar nashri va taqdimoti hamda ilmiy-adabiy anjumanlar o'tkazishi. Ushbu tadbirlarga talabalar, yosh ijodkorlar va iqtidorli o'quvchilarni jalb qilish, ularni munosib rag'batlantirish orqali "Navoiy viloyati tajribasi"ni yo'lga qo'yishi;

Fanlar akademiyasi: Oliy ta'lim, fan va innovatsiyalar vazirligi, Navoiy viloyati hokimligi bilan birgalikda Navoiy davlat universitetida 2025-yil 10-15-oktabr kunlari "Alisher Navoiy ilmiy-adabiy merosining umumbashariyat ma'naviy va ma'rifiy taraqqiyotidagi o'rni" mavzusida xalqaro ilmiy konferensiya o'tkazilishini ta'minlashi. Bunda xalqaro konferensiyani o'tkazish bilan bog'liq xarajatlar Oliy ta'lim, fan va innovatsiyalar vazirligi hamda Navoiy viloyati hokimligi tomonidan teng ulushlarda qoplanishi belgilab qo'yilganligi;

Maktabgacha va maktab ta'limi vazirligi, O'zbekiston mahallalari uyushmasi, Yoshlar ishlari agentligi, Respublika Ma'naviyat va ma'rifat markazi bilan birgalikda "Hazrat Navoiyni anglash -

o‘zligimizni anglash” mavzusida respublika tanlovi, shuningdek, ta’lim tashkilotlari va mahallalarda “Navoiyxonlik kechalari”ni tashkil etishi;

Yozuvchilar uyushmasi, Axborot va ommaviy kommunikatsiyalar agentligi, Oliy ta’lim, fan va innovatsiyalar vazirligi Navoiy viloyati hokimligi bilan birgalikda Alisher Navoiyning hayoti va ijodi, u yashagan davrning ma’rifiy-adabiy muhiti, shoirning ustoz va zamondoshlari, izdoshlari haqida hikoya qiluvchi asarlarni qayta nashr etib, oliy ta’lim muassasalarida Alisher Navoiy qo‘lyozmalarining ko‘rgazmalari hamda asarlarining taqdimotlarini o‘tkazishi;

“Navoiy kon-metallurgiya kombinati” aksionerlik jamiyatining Alisher Navoiy hayoti hamda ijodiy faoliyatiga bag‘ishlangan badiiy kinofilmni moliyalashtirish to‘g‘risidagi taklifi ma’qullanganligi; Kinematografiya agentligi 2026-yil yakuniga qadar navoiyshunos olimlar, yetuk ssenariychi va rejissorlar, aktyorlar va soha mutaxassislari ishtirokida ushbu badiiy filmni yaratish, uning tantanali premyerasini tashkil etish choralarini ko‘rishi ma’lumot uchun qabul qilinsin.

3. Ma’naviyat va ma’rifat markazi tuman bo‘limi (D.Jo‘raboyeva), Madaniyat bo‘limi (R.Xoliqova), Maktabgacha va maktab ta’limi bo‘limi (O.Xujayev), O‘zbekiston mahallalari uyushmasi tuman bo‘limi (O.Qodirov), Yoshlar ishlari bo‘limi (M.Mamasobirov), barcha bo‘lim va tashkilotlar rahbarlari Alisher Navoiy hayoti, uning davlat arbobi sifatidagi faoliyati hamda jahon adabiyoti va tamadduni rivojiga qo‘shgan ulkan hissasini aholi, ayniqsa, yoshlar o‘rtasida, shuningdek, korxonalar, tashkilotlar va mehnat jamoalarida keng targ‘ib qilishga qaratilgan tadbirlarni tashkil etsin.

4. “Mingbuloq” gazetasi (Q.Akbarov) va boshqa ommaviy axborot vositalariga Alisher Navoiy hayoti hamda ijodiy merosini o‘rganish va targ‘ib qilish bo‘yicha amalga oshirilayotgan tadbirlarni keng yoritish tavsiya etilsin.

5. Mazkur qarorning bajarilishini nazorat tuman hokimining yoshlar siyosati, ijtimoiy rivojlantirish va ma’naviy-ma’rifiy ishlar bo‘yicha o‘rinbosari J.Raximov zimmasiga yuklansin.

**Tuman hokimi**



**A.Mansurov**